

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0065806 25  
Zenica, 05.11.2025. godine

OPĆINSKOM SUDU U TEŠNJU  
- Sudiji za prethodno saslušanje –  
TEŠANJ

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

OPTUŽNICU

Protiv:

M. R., osuđivan više puta,

što je:

dana 25.08.2025. godine oko 20,15 sati, naročito drskim i bezobzirnim ponašanjem ugrozio građanski mir, a što je i htio, na način da je došao u ugostiteljski objekat „O.“ u J., općina T., ..., noseći u ruci bejzbol palicu te se raspitivao gdje su osobe koje su se noć prije tukli sa njegovim ocem i bratom govoreći da ima pištolj u autu i da će ih sve kada ih nađe ubiti, nakon čega je on bejzbol palicom razbio jedan viseći sto, odnosno kamenu-mermernu ploču na tom stolu, potom je vlasnik objekta S. M. rekao da neće zvati policiju jer je dobar sa R. ocem M.O. zv. „O.“ ..., da bi R. ponovo oko 23,30 sati došao sa još dvije osobe u ovaj objekat noseći ovom prilikom u rukama veći čekić-macolu, te naredio da se ugasi muzika psujući pritom mater svim prisutnima u ovom objektu, nakon čega je ovim čekićem, redom počeo lupati-razbijati kamene ploče na stolovima u objektu i tom prilikom razbio tri šank stola, te nastavio obarati i razbijati čaše i flaše sa drugih stolova, te natjerao muzičare da mu pjevaju, da bi potom oteo mikrofona od muzičara i sam pjevao, nakon čega je tjerao konobara Š. M. da za njegov sto donosi piće što je ovaj morao učiniti, a kada je ovaj konobar koji je inače zet od vlasnika S.M.pozvao ovoga telefonom da mu kaže šta se dešava, M. koji se nalazio u stanu iznad ovog ugostiteljskog objekta, je telefonom pozvao policiju, pa kada je nakon 20-ak minuta stigla patrola policije, isti su pozvali konobara da izađe napolje i pitali ga ko je polupao stolove, rekao im da je to učinio R., da bi potom iz objekta izišao R. i pitao ove policajce „Znate li vi ko sam ja“, pa je jedan od policajaca kada im je konobar ponovo rekao da je to učinio R., ovom konobaru rekao da se vrati u objekat što je on učinio, da bi se nakon 10-ak minuta R. ponovo vratio u objekat i počeo povišenim tonom govoriti „Ne mogu oni meni ništa“, a pri tom je prevrnuo jedan sto, i vratio se za sto gdje je ranije sjedio, gdje je nastavio piti i razbijati čaše i flaše, pa kada je vlasnik objekta iz svog stana ponovo pozvao policiju, ponovo su došla dva vozila policije kojim policijskim službenicima je konobar ponovo objasnio da je R. unutra polupao stolove, da lupa čaše i flaše, galami i psuje, nakon čega su ga ovi policajci izveli napolje razgovarali s njim, pa ga ni taj put nisu priveli, nakon čega je R. ponovo ušao u kafanu nastavio piti, razbijati čaše i flaše te je izišao iz objekta iz bijelog kombija kojim je došao

izvadio crnu željeznu šipku-pajser, te prišao do ulaza na sprat gdje je udarcima tom šipkom razbio betonsku vazu i tom prilikom dozivao vlasnika riječima „M. gdje si majku ti j\*\*\* izadi da te ubijem“ ponavljajući to više puta, što je kod ovoga izazvalo uznemirenje i strah, nakon čega je vlasnik S. M. u strahu za svoj život ponovo zvao policiju, a R. je ovu metalnu šipku vratio u kombi te se ponovo vratio u ugostiteljski objekat gdje je nastavio piti, vikati i lupati, te uzeo mikrofona od muzike i glasno učio „Sure“ iz Kur'an-a, pa je na ovaj način nanio štetu vlasniku ovog objekta u iznosu od 7.000,00 KM, a kada su i po treći put stigli policajci, ponovo nisu priveli R. nego su ga pustili da ide kući,

čime je u sticaju počinio krivična djela: Nasilničko ponašanje iz člana 362. stav 1., Oštećenje tuđe stvari iz člana 293. stav 1. i Ugrožavanje sigurnosti iz člana 183. stav 1., u vezi sa članom 54. KZ F BiH.